



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Pretiosae Occvpationes Morientivm In Societate Iesv

Nádasi, János

Romae, 1657

Cap. XXXII. Variæ sanorum, & ægrorum præparationes expendendæ.

**urn:nbn:de:hbz:466:1-45415**



*palmam* habeat æger in manibus, vel ad lectum. hoc enim ait esse reipsa à *Deo* victoriam petere contra inimicos, & triumphum in caelo. Si palma non adsit, valebit etiam oliuæ ramus benedictus: vt requiescas à bello victor in æternà pace.

14 Iuuat contra tentationes cælum totum, Sanctorumq; choros singulos obire; auxilium petere; actibus doloris, et amoris *Dei* occupatum esse; quempiam meditatè illa legentem audire quæ sunt in commendatione animæ; sæpè in vita sacrificia pro felici agone curare, item pro defunctis, vt ope sua morientibus nobis assistant; deniq; SS. Synaxi sæpè refici; et, si per morbum licet, quotidie.

## C A P V T X X X I I.

*Aegri pretiosa occupationes varia aliorum preparationes.*

3i Febr.  
1620. No-  
uellariz.  
Præparent  
nos ad  
mortem,  
dolores  
donati ani-  
mabus  
purgatorii:  
Et exerci-  
tia.  
16. Aug.  
1649.

1 **I**osephus Braccus Coad. singulis horis aliquid pro animabus purg. orabat: morbi sui dolores omnes donauit iisdem: vt ab illis moriens iuaretur. *P. Martinus Stredonius* Brunæ Præpositi Prouincialis munere, et vità, defunctus est. Vnum mensem ad obeunda S.P.N. exercitia petebat, pro præparatione ad mortem.

2 Alterum præparationis adiumentum  
illi



illi fuere preces, lectio, colloquia de gloria cælesti.

3 Singulis noctibus per quinque ultimos vitæ suæ annos è lecto se se ad B. V. imaginem conferebat. Ibi per B. V. pro felici morte supplex abiectus in genua, se in eo statu collocabat, iuxta S. P. Ignatij consilium, in quo ij esse solent qui ultimo vitam inter mortemque singultu migrantem iam animam trahunt, et iacent ad fores æternitatis infinitæ: *Rex meus, aiebat, & Deus meus! Dona mihi animam meam, pro qua oro; & beatam ex hac vita migrationem, pro quâ obsecro.*

Coram B. V. sistere, tanquam si sis in agene.

4 Quatuordecim sui morbi diebus offerebat quidquid sibi non sapere advertebat, ad dandum Deo gustum, quod aiunt, seu ad delectandum Deum! peccata, morbum, ut peccati stipendium mortem ipsam, sacrificabat Deo ad exhibendam plenam diuinæ illius iustitiæ satisfactionem. Pro doloribus gratus, ac lætus gratias agebat.

Sacrificare Deo quæ agis, quæ pateris.

5 Altero morbi die, sancto migrantium viatico munitus, nullum postea diem sine illo epulo duxit. Sacro Missæ officio etiam quotidie audito, vel totum officium, vel aliquam eius partem religiosissimè recitabat. Meditationes, Litanias Cælitum omnium, æquè ac sanus fecerat, habuit quotidianas.

Quotidiana communio.

6 Pro Spirituali lectione quotidie sibi legi voluit aliquid de Imitatione Christi, & è

Lectio selecta.

pijs



pijs Hagiophilæ affectibus, quos ille tenere ruminabat.

Aliorum  
preces pe-  
titiq̃.

7 Omnium se precibus enixè voluit commendari: id quod etiam per pulpita factum à Concionatoribus.

Hymni de  
Christi  
passione.

8 Ad Christi Crucifixi effigiem consuetis S. Bernardi Rhythmis ad singula Christi membra pronuntiandis prolixà exundantis animi suauitate horam pulcherrimam pretiosè impendit.

Iaculato-  
riæ sele-  
ctæ.

9 Iaculatoriæ admirabiles. Humi in lectulo stratus, in horas propè singulas agebat gratias, cōceptis ad interpretes cordis sensus verbis, pro beneficio nobilis creationis, pretiosè redemptionis, & sanctæ vocationis. Orabat centies, per amarissimas morientis dulcissimi *Iesu* amaritudines, vt illæ amaritudines, mortis suæ omnia amarissima dulcorarent. Maximæ misericordiarum Matri, & per hanc misericordiarum æterno Patri, suum hinc exitum commendabat.

Caelites  
inuitandi.

10 Inuitabat ad agonem suum felices Angelos, & Ignatium Parentem optimum, ac primos illos decem Societatis nascentis primores; vt agoni suo auxiliares adessent. Gratiam in hac vita, gratiam consummatam flagitabat, & in æternitate visionem *Dei* beatam.

Deo gra-  
tias.

11 Extremam Vnctionem sæpiùs petijt: atq; vbi demùm impetrauit, fessà iam & fra-

ctà vo-



Et à voce *Deo* gratias pro *Matre Ecclesia* & *Societate* egit: utpote qui ab illà vasis misericordiæ, Sacramentis, fuisset munitus; ab hac, sinu amantissimo semper & ubiq; portatus.

Fides.  
Vocatio.

12 Dictavit Socio schedam verbis valdè prægnantibus, & sensu magno; ex quâ se mortuo, venia pro erratis palàm in triclinio peteretur.

Venia petenda.

13 24. Augusti vesperi ubi se iam mortis frigore occupari aduertit, cereum accensum accepit; animæ commendationi recitatæ piè respondit; preces à domesticis pro se in templo, et Sacello fieri postulavit, idq; ardentè, et amanter maximè tunc fieri petijt cum iam ultimum singultientem visuri essent. id quod cumulatè præstitum.

Cereus accensus etiam ante extremum agonem.

14 Ultimis quinque vitæ suæ horis, in singultiente illo mortis vicinæ silentio, signa, de quibus ante quid indicatura essent, conuenerat, edebat; quibus absolutionem, indulgentias, pias aspirationes legi petebat; et impetrabat, ita ut ante prouiderat.

Coaueniendum de signis pro absolutione.

15 Incipiente 26. die Augusti, post mediam noctem inter ultimos mortis anhelitus facie desiderio anhelante, erexit caput, manuum alterà cereum, alterà Coronam B. V. tenens, et utramq; decussatam demisit in pectus, obuersus Cruci, quasi illi obuiaret cum *Andrea*; & iuit obuius bono *Iesu* in amplexus æternos.

Cereus, Crucifixus corona B. V. in manu.

16. Inter



16 Inter varias ad mortem sanctè obeundam præparationes referri etiam potest *Petri Carilli* præparatio. Is è Magistro et Philosopho, Coadiutor vt esset, impetrauit: de Christo passo, et B. V. libentissimè, nec vnquam ferè sine lachrymis, audiebat. Pro præparatione ad mortem, se cingebat ferreo cilicio; quotidianà, eaq; geminà, verberatione, vnà, eaq; præparca potius quàm frugili, comestione contentus. Oratione præmissà futura prædixit, euentu secuto. Moriturus, vltimis connisus viribus, è lecto se collegit humi ingenua: erexit brachia orantis gestu, et instar S. Pauli primi Eremitæ morientis expandit, orauit, et felix anima mentem in Deum eleuatam etiam ipsa felici migratione secuta, cadauer in situ illo flectentis, et elatis aperitq;, quasi ad Dei ac æternitatis amplexum, brachijs reliquit, ab Infirmario euigilante, alijsq; sic repertum. P. Ludovicus Thuardus sæpè repetens inter dolores illud: *Deus meus, & omnia*; à quotquot Patribus visitabatur non priùs illos abire patiebatur, quàm benedictione à singulis impetrata; pro apparatione felici ad mortem.

Orans moritur 4. Iulii 1615. Annuae Oropesanae.

8. Febr. 1615.

9. Sept. 1648.

17 P. Stanislaus Nosarzewski Orsæ obiit. Reperta est post eius mortem in mensa cubiculi charta, quam ille tremulà manu in hæc verba conscripserat: 1. Ego N. doleo intimè de peccatis meis; non ob infernum meri-



meritum, sed quia offendi, *Deus*, te bonum in te. & offero me etiam ad poenas inferni. 2. Gratias tibi ago pro omnibus beneficijs, etiam pro hoc permissio morbo, cuius causa sum. 3. Dolores meos præteritos, & modernos, & omnia tædia, unio cum Passione tuâ, benignissime *Iesu*; illaq; offero ad gloriam tuam, ac satisfactionem. 4. Da mihi gratiam ut possim vitare peccata; & hos ferre dolores. 5. Beatissima Virgo, & omnes Sancti, intercedite pro me.

Actus selectissimos in chartam pro morte referre.

18 *P. Hieronymus Prado* Romæ decedens cum lætus mortis nuncium accepisset, manusq; attentius contemplaretur, causam rogatus; contemplor, inquit, quas olim iterum videbo: *Et in carne mea videbo Deum Salvatorem meum.*

1595.  
Actus fidei renouandi.

19 Nobilis pro morte apparationis instar habuit *P. Iacobus Granadus*, Examens particulare facere, ac notare vsq; ad extremum diem, quò nullus illi dies transfret sine lineâ, siue sinè puncto, vsq; mortem quæ est ultima linea rerum. *P. Andreas Sednik* in lineis examinis particularis puncta etiam supremis vitæ diebus tremulâ iam manu notabat.

Examens particulare.  
Turoeii 22. April. 1655.

20 *P. Vincentius Carrafa* suggerit pro apparatione id quod hunc ferè in modum exerceri potest: *Rogo te, Domine Iesu, per merita Sanctissimæ Matris tuæ, ut me facias dignum, si non eâ morte quâ Martyr fidei moriar,*

Cap. 7.  
Itinerarij.



Defide-  
rium vi-  
dendi  
Deum sæpè  
renouan-  
dum.

Ibid. pag.  
73-

Quid opti-  
mum factū  
in fine  
vitæ.

Dolæ  
1601.

Salsari  
27. Martii  
1614.  
Nieremb.  
t.4. p. 27.

Leccio spi-  
rit.

certè morte, quàm martyr (sic loquitur) moriar  
charitatis; crescente in me usq; ad eò diuini tui  
amoris incendio ac desiderio te videndi, ut hac  
ipsa de causa anima mea à corpore separetur, ut  
Deo uniatur. Sæpè repetendum illud à S. Bri-  
gitta de quodam moriente relatum; *Deside-  
ro, desidero, desidero! O desiderium meum, veni!*

21 Idem P. Carrafa; petiuerunt, inquit,  
aliqui moribundi, quis actus tunc debeat fie-  
ri; & quid sit optimum factū in vltimà illà  
quiete, ac transitu, seu expiratione. Re-  
spondeo: Mihi optimum videri expirare  
cum intenso actu desiderij videndi *Deum*. Et  
hæc est mors Sanctorum, expirare amando,  
amare expirando; expirare desiderando vi-  
dere *Deum*, & desiderare expirando; expi-  
rare cantando laudes diuinas, & cantare  
expirando. Ad hæc optimum est vti oratio-  
ne Christi: *In manus tuas, Domine, commendo  
spiritum meum*. Sæpè ingeminando *Iesus, Ma-  
ria! Ioann. Nandoillettus* moriens SS. *Iesu*  
nomen pro vltimo apparatu quinquages re-  
petijt: ibi omnium compendium esse ratus.

22 P. *Saluator Pizqueda* quotidie in mor-  
bo exomologesi, & S. Synaxi munitus de cæ-  
lestium ordinum choris libenter loquebatur.  
quisquis esset à quo inuiseretur, aliquid sibi  
legi petebat, interea sese diuinis inflammans.  
Extremum vngendus, valdè tenerè dixit:  
*Gloria Patri Domino, gloria Vnigenito, unà*

cum



*cum S. Spiritu in sempiterna secula. Vides ma-* Iaculat.  
*lum quod gessimus, occulta nostra pandimus;*  
*preces gementes fundimus. Dimitte quod pec-*  
*cavimus. Pater superni luminis, Cum Magda-*  
*lenam respicis, flammam amoris excitas, geluq;*  
*soluis pectoris. - O vera Christi charitas! Tu*  
*nostra purga crimina. Tu corda reple gratia:*  
*Tu redde cali premia. Parce, Domine, parce quod*  
*te oculis meis offenderim, &c. ita de sensibus re-*  
*liquis, ubiq; pijsimè lachrymatus. Mox: Iesu,*  
*dulce refugium, spes una confidentium. Pia*  
*Mater, & humilis, natura memor fragilis in*  
*huius hora fluctibus nos rege tuis precibus. Dein-*  
*de, receptà formulà, suam, vt dicimus, cul-*  
*pam dixit: & commendationem animæ quo-*  
*tidie vesperi coram se recitari voluit. Cum* Sacri-  
*fitiret, sitim Deo in sacrificium obtulit pro* ficium fr-  
*fiti Christi Crucifixi. Sanctos omnes, quos* tis.  
*à 52. annis & 6. mensibus in Societate actis* Litaniz  
*in Litanias collegerat, sibi legi petijt: item* Sancto-  
*Sanctos eius diei quo Societatem ingressus* rum men-  
*est; item eius quo in ea vota religiosa nun-* sis.  
*cupavit; item quo primum Deo sacrificium*  
*Sacerdos obtulit; item quo 4. vota profes-*  
*sus est. Cuidam; Dicit non potest, inquit, mi*  
*frater, quid anxietatis sit in morte. Simus San-*  
*cti; reliquum quicquid est, horror est. Inde*  
*apostrophe teneriore animam suam allocu-*  
*tus: Egredere foras, aiebat, anima mea, egre-*  
*dere! Euellere iam! ne differas. reuertere ad*



et. 72:

*Deum tuum . Hò Iesus-Maria ! Hò Iesus-Maria ! Iesus cordis mei . Dixit : & inclinato capite , paulò post , nil deinceps locutus , diem supremum expleuit .*

1651.

17. Iunii  
Romæ ,

23 De P. *Francisci Piccolominei S.I. Præpositi Generalis* morte medicorum nonnemo affirmavit; optandum esse, vt omnes ad mortem viri istius conuenirent ad condiscendam ab illo artem benè sanctèq; in summis cruciatibus moriendi . Sæpiùs quotidie peccata confessus est, ad gratiæ diuinæ cumulum exaugendum . Quicquid Theologicæ virtutes, quicquid omnis pretiosè moriendi apparatus suggerit, abundè, meditatè, solidè, ac tenerè per solidos ipsos 14. dies executus est. vir de quo luculentum confessarij testimonium extat; quòd *Deum* nullo vnquam letali peccato offenderit . Et tamen dicebat: *Non dubito quidem de diuina misericordia . Absit ! Hoc non ! Hoc nunquam in æternum . Tamen timeo peccata mea, & Iudicem illum iustissimum . Viaticum in medio cubiculi genibus nixus accepit ; quotidie S. Synaxi postea recreatus . Manè post acerbissimos noctis cuiusdam dolores lætà, & velut in cantum flexà voce, cum se à nemine audiri putaret, diutulè tria hæc repetebat alto sensu : Amor ! Amor ! Amor ! Deus ! Deus ! Deus ! Aeternitas ! Aeternitas ! Aeternitas ! Abrumpo reliqua : & reseruo alij loco, ac tempori .*

CAPVT